

立洗找洗字人蕭神助等。緣有承父遺下水田一段，址在萬丹洋。因前年乏銀費用，是以母子相商，愿將此田托中杜賣與廖澁觀承掌，四至界址載明大契內。當日議定銀價兩足，交收清楚，助日后及子孫永不敢言贖言找，生端滋事。旋于道光捌年間，時運不濟，無奈再懇原中向廖澁觀找出田價銀壹佰大元正足，全中見立找洗字一紙，付為執炤。本不敢再行洗找抵，因日食難度，以致母出子離，欲向廖澁觀借出多少銀元不遂，致助誤听歹人唆弄，架以混佔界外埔地事，又捏名出母白氏架以毀坟事，分案誣控廖澁觀父子。茲听公親調處理，斥助母子，自知情曲，但覆水難收，惟求廖澁觀寬竝大量，勿責前罪，甘愿息訟。懇公親向廖澁觀再備佛銀拾大元，付助修理祖坟之需。自此洗找，千休萬息，日后助兄弟以及子孫，永不敢言及洗找滋事。此係二比甘愿，各無反悔。口恐無憑，立洗找洗字一紙，付執為炤。

即日全中見收過洗找洗字銀拾大員，批炤。

公親代筆人 簡應命（花押）

為中人 張憲

知見人 蕭胎

在場母親 白氏（花押）

道光拾年拾貳月 日

立洗找洗字人 蕭神助（花押）

